

Transkription von Stadtbucheintrag RIG 1393b

Ort, Datierung: Riga, 1393-11-29

Signatur: Staatsarchiv Riga, Fond 8, Apparat 1, 7

Inhalt: Rat der Stadt Riga: Grundstücksverkauf

Witlike si , dat wi Borgermeistere vnde Raed der stad Rige / deme erliken manne her Lubberte wittenborghe vnsis rades / cumpane vnde sinen ernamen ghedan hebben een Ruem / bynnen vnsis stades veltmarke ouer der dune benedden des / hillegengeestes ackere in der wiltnisse ligghende bynnen / dem Sijpgrauen , de dar gheit van deme heidberghe dael / ter Pele wart , vnde den Grauen vort beneffen der Pelen / wente an her arnd plaggals hoyslagh , vnde aldus den / grauen tenden her arnd plaggals hoyslaghe wedder vp/wart wente an de heidberghe vnde in den voet der heid=/berghe wedder toghande in dat ambegin des Sijpgrauen / uorgescreuen dar de wech to Bullen wart bouen hengeit / Dit sulue Ruem bynnen den uorgescreuenen Grauen vnde terminen / ligghende hebben wi her Lubberte wittenborghe vnde sinen / ernamen ghedaen to Rumente vnde to ewighen tiden in borger/rechte tobesittende vnde tobrukende vnde io gants tosamen / vnghedeylet tobyuende Jodoch also dat de uorschreuen her / Lubbert vnde sine ernamen vnde alle de ghenne den it / vort an gheeruet edder uorkoft mach werden scholen tho / ewighen tiden vnser Stad Righe alle iaer den thegeden ofte / den Teynden gheuen van alle deme dat bynnen deme uorscreuenen / Rume des iares ghewunnen werdet Gescreuen in den iaren / na godes ghebord dusent drehundert dar na in deme / dre vnde Negentigestem iare in Sunthe Andreas auende /